

增修萬縣志卷二十九

士女志

賢哲

學行

隱逸

宋樂史著寰宇記而萬州賢俊無聞是邦羣峯拱衛萬川匯流扶輿磅礴鬱積而鍾毓非麩金木藥能當也必有瓌奇磊落材德之士世載其英而書缺有間若此類名湮沒而不稱可勝歎哉藉使趙善贛南浦志至今存必能補樂史闕漏廣蜀耆舊西州後賢之傳而爲胸忍增色奈何名存志佚使秦漢名區宋以

萬縣志

卷二十九

士女志

賢哲

一

前俊哲遙遙千有餘歲無從求索可勝歎哉有明迄今志乘略備顧其得書亦有幸不幸卽幸而紀錄而名不著於國史安知更歷千餘年不又與前哲同其湮沒也夫君子亦爲其不可沒者而已名之傳不傳何容心焉

宋

王相 舊省志萬州人家貧力學父病篤顛天祈代割股以進父疾愈人稱其孝

祀鄉賢祠

愚按王相力學篤行入祀鄉賢非割股一節也且愚

忠愚孝至性又可沒耶郡志易之失實

明

冉通 蜀人物志萬縣人洪武中進士任兵科都給事中直聲動天下雖在竄逐讀書不輟 祀鄉賢祠

郎文林 舊省志萬縣人任經歷氣度渾厚家甚貧人有餽金者卻不受 祀鄉賢祠

劉五緯 一統志萬縣人萬曆中知無錫縣案無畱牘摘發如神邑有天授青城萬安三鄉圩田千頃遇澇皆成巨浸五緯躬率眾圩民併工挑築遂成沃壤

萬縣志

卷二十九

士女志

賢哲

二

甃官塘五十里邑人稱爲劉公塘蜀人物志字夢鳳萬曆己未進士授無錫知縣正直愛民以東林黨禁摘官邑人立祠祀之舊省志生時母夢飛鳳入懷遂字夢鳳體不勝衣言若不出諸口任無錫以廉直著舊志孝友性成 祀鄉賢祠

沈鴻儒 舊省志萬縣人家貧父早亡撫弟妹教育婚嫁如父之存中萬曆戊午舉人歷任南京戶部郎中舊志孝友性生博通羣書畱心理學 祀鄉賢祠

國朝

程正性 舊郡志萬縣人字存存順治十六年以貢生任直隸開州州同陞河南睢州知州建 學宮置書院捐廉俸教育貧士遷雲南永甯同知率於官舊志初任開州州同次任睢州知州慈惠詳明民安吏馴卜地創建 學宮特立書院設置義學每歲捐俸備束脩以教貧士均里息訟勸民懇荒錢糧聽民自封投櫃大兵過境應付得宜民賴安堵操守廉正一時首推後任雲南永甯府同知卒於官睢人感德聞訃不遠數千里致祭於萬壬子舉人程鼎甲子舉人

萬縣志

卷二十九

士女志

賢哲

三

程豫西充縣訓導程升皆其子也

祀鄉賢祠

學行

明

胡洪 舊郡志萬縣人字禹錫性至孝嗜文博古築館於西山以教授後學爲事著有四書遵註行於世

國朝

沈復瑛 舊郡志萬縣弟子員字伯溫號慕廬潛心理學絕意仕進邑中士大夫咸欽之著有性理彙要陶仁明篤學儒者沈伯溫墓志註伯溫著有大學銘

四書大意尊周說稱周子爲聖釋太極圖說並河圖
洛書精義善琴著有琴譜性純孝母死廬墓六年
陶仁明 舊郡志萬縣人字善長博雅邃於經學康
熙丙戌進士邑後進多從學焉

王繼掄 號環山邑歲貢生性篤孝終身不衰每忌
日設祭雖髦猶長跪號泣見者感動教人先品行後
文藝家居足不履城市忘毀譽不苟取一介喪葬恪
守儒禮不用浮屠里中風俗爲之一變

萬峯青 邑舉人力學甫八歲牧牛輒挾一卷比長

萬縣志

卷二十九

士女志

賢哲

學行

四

益自刻苦事母篤孝事兄悌未入庠門時債累賣產
餘千金悉讓與伯兄以授徒自給暨伯兄困乏峯青
遂奉以終餘年爲人醇謹敦厚呐呐如不能言人咸
稱篤實君子

王家祥 號雲瞻 恩貢生簡默恭敬臨財廉不以
貧易節肆力於學百家諸子靡不涉獵爲文亦復駸
駸進古恬淡不樂仕進教人時以古孝子悌弟忠臣
義士諄諄相勸勉故邑立名之士多出其門

王思敬 號體齋邑庠生忠厚端方嗜學安貧不喜

炎熱有負郭田數畝築室作宗祠不爲子孫私有教人必以古誼相勗弟子遵之王雲瞻爲作生壙誌曰予二人境遇同業同其冷亦無不同有不同者予猶脫略形迹之外君更謹守禮法之中邑舉端士必以二王並稱有以也

陳士杰 原名二士號桂山邑舉人少穎異能文章賦性剛毅凡立身行己循循矩矱無少假借與人不設城府面折人過里閭憚之愜宗睦族倡建宗祠修族譜年饑籌畫捐賑遠近承風咸來取法由是野無

萬縣志

卷二十九

士女志

賢哲

學行

五

餓莩著有文集行世

易光周 字密亭性情恬靜學養深醇生平未嘗輕怒一人由 恩貢生司鐸榮經十有餘年士人戴之嗣因親老回籍終養年逾八旬日猶手不釋卷邑令劉毓燿尊爲鄉飲大賓涪陵陳太史熾撰有傳何志高 字西夏邑廩生爲人坦直喜潔好靜淡於科名閉戶窮經每大寒暑不輟意有所得中夜數起或遇疑難紛結寢食俱廢如是者數十年撰有易經本意六卷釋書釋詩各一卷春秋大傳補說四卷禮

論一卷

劉用中 邑 恩貢生砥礪廉隅率由古道不苟取
不隨俗波靡與人恥未同而言不爲世俗周旋態落
落寡合獨行之士也邃於經爲門人講說必肅衣冠
以臨終身繩趨矩步邑士咸相目爲古人云

隱逸

宋

王珪 舊志萬州人築室南溪號志堂居士左右植
松竹逍遙其下一時名流喜其高尙榜其居曰竹隱

萬縣志

卷二十九

士女志

賢哲

隱逸

六

明

胡鸞 舊郡志萬縣人秉性幽雅不樂仕進結室南
山之下自號南山野人邑令楊湜贈詩云幽人有佳
行不入塵寰中植杖調馴鶴攜琴坐古松進士吳英
贈詩云秀聳晴空碧萬重幽人亭子倚南峯遙看怪
石成魚隊洞口雲深有臥龍

沈巨儒 舊省志字越雞萬縣人明季避亂隱居號
西溪野人

國朝總督李國英知其夙學勸之仕不應闢草舍以詩

文自娛舊志貢生幼嗜學好歷名山友名士直明季
大亂遂隱康熙二十五年太守許嗣印聘修郡志

萬縣志

卷二十九

士女志

賢哲

隱逸

七